

Facebook som kjelde for norske dialektord.

Tor Erik Jenstad

Språksamlingane i Bergen, prosjektet Norsk Ordbok A-H

Forfattern arbeider på prosjektet NO-AH (forkorting for Norsk Ordbok frå A til H). Norsk Ordbok vart fullført på papir i 2016. Ordboka dekker nynorsk skriftspråk og norske dialektar. Dei siste sju banda, med bokstavane I – Å, er også publisert i ein digital versjon. I det nye prosjektet, som starta i 2019, skal dei fem første banda reviderast, oppdaterast og digitaliserast i samsvar med standarden i dei siste sju banda (sjå Myking et al 2020). Dialektopplysningane vil bli suppert på alle nivå i artiklane. Det ligg ei utfordring i å utfylle og oppdatere dialektmaterialet, når det ikkje lenger blir drive aktiv innsamling. Norsk Målførearkiv er lagt ned, og ved Språksamlingane i Bergen har ein ikkje ressursar til anna enn å ta imot og registrere det ein får inn.

Norske dialektar er i sterk endring, men dei er framleis i høgste grad levande. Dialektbruken er faktisk aukande både i sosiale media og i det offentlege rommet. Eit uttrykk for den stadig sterke interessa for dialektar er dei mange facebook-gruppene som fokuserer på dialekt. Forfattern følgjer med på mange av desse gruppene og nyttar dei for å skaffe informasjon om dialektalt ordforråd. Bidraget vil gi døme på materiale som er komme fram gjennom Facebook-gruppene, og korleis dette kan bli brukt i redaksjonsarbeidet ved NO A-H. Fordelar og ulemper ved Facebook som kjelde vil også bli drøfta. Eit innleiande arbeid om Facebook som kjelde på eit meir lokalt plan, er Jenstad 2012.

Litteratur

Jenstad, Tor Erik (2012): Dialektgrupper på Facebook. I: *Du mitt Nordmøre 2012*, s. 76 – 80. Sunndalsøra: Nordmøre mållag.

Myking, Johan, Grønvik, Oddrun og Helset, Stig Jarle (2020): Nettbrukaren i fokus: digitalisering og revisjon av Norsk Ordbok a-h. I: *Nordiska studier i lexikografi 15*, s. 235-244.

Norsk Ordbok (1966-2016): Ordbok over det norske folkemålet og det nynorske skriftmålet